

云南史料丛刊

第四十辑

云南大学历史系

云南地方古代史

(原民族历史)

研究室

雲南史料叢刊第四十輯目錄

道光雲南志鈔

土司志(上)

土司志(下)

一頁——一〇二

一〇三頁——二一六

道光雲南志鈔

土司志目錄

世官

雲南府

羅次縣煉象關從九品

祿豐縣南平關從九品

大理府

趙州定西嶺巡檢
川州青索驛從九品

雲南縣縣丞
浪穹縣典史

雲南縣主簿
浪穹縣蒲陀

巡檢
浪穹縣
江嘴巡檢

寫縣鳳羽鄉巡檢
雲龍州箭桿場巡檢

浪穹縣上江嘴巡檢
十二關長官

浪穹縣
雲龍州歸化

里千總

雲龍州六庫千總

雲龍州漕澗把總

臨安府

納樓茶甸長官
鄉土舍左能鄉土舍

虧客甸長官
落恐鄉土舍

思院鄉土舍
阿邦鄉土舍

溪處

納更山巡檢
寨長

慢車鄉土舍
猛梭寨長

稿吾土把總
猛蚌寨長

猛喇寨長
茨桶壩寨長

猛丁

敵寨長
三斗巖寨長
五邦寨長
阿土寨長
永塘寨長
猛丹寨長
馬龍寨長
宗哈瓦遮寨長

楚雄府
楚雄縣正八品
鎮南州州判
定邊縣正九品
姚州從六品
鎮南州阿雄關從九品

鎮南州鎮南關從九品
廣通縣同登關從九品
廣通縣沙矣

徵江府
新興州州判

景東直隸廳
景東府知府
板橋驛驛丞
知事
保甸巡檢
三岔河巡

廣南府
同知
富州知州

廣西直隸州
無

順寧府
猛猛巡檢
雲州大猛麻巡檢
耿馬直隸宣撫
孟

曲靖府
縣丞

武定直隸州
勸品甸巡捕
環洲甸土舍

麗江府

正六品
仙從九品
蘭州土舍
鶴慶州在城驛未入流

鶴慶州觀音山

驛丞

元江直隸州

永豐里把總
在城千總

茄草里把總
新平縣縣丞

儒林等里把總
新平縣斗門磨

沙千總
達把總

新平縣喇嘽把總
新平縣旺把總

新平縣他旦把總

新平縣老是

普洱府

車里宣慰
寧洱縣整董把總

寧洱縣普藤千總
寧洱縣猛烏把總

寧洱縣猛旺把總
寧洱縣

烏得把總
威遠廳猛要

他郎廳儒林等里把總
威遠廳猛要把總

他郎廳定南等里把總
威遠廳猛班把總

思

茅廳倚邦把總
廳猛臘把總

思茅廳猛遮千總
思茅廳六因把總

思茅廳易武把總
思茅廳猛阿把總

思茅廳

猛籠把總
撲蠻寨土目

思茅廳橄欖壩把總

思茅廳攸樂土目

思茅廳

蒙化直隸廳

知府

南澗縣丞

永昌府

孟定知府
遮放宣撫

灣甸州知州
龍陵廳
潞江安撫

鎮康州知州
龍陵廳
芒市安撫

保山縣
宣撫
千崖宣撫

登埂千總
孟連副宣撫

卯照土目
猛卯安撫
南甸宣撫
戶撒長官

隴川
臘

撒長官
把總

大塘隘把總
滇灘隘土目

茨竹寨把總

古勇隘把總

明光隘

永北直隸廳

永寧府知府
順州州同

北勝州知州
蘆朶州土舍

北勝州州同

開化府

正八品

東川府

會澤縣
木期古寨千戶

鎮沅直隸州

無

昭通府

永善縣
檜溪阿興千戶

琅鹽井提舉司

巡捕

樂山集

道光雲南志鈔七

土司志上

浪穹王

崧伯高

舊名

著

土司者，一曰土官。古封建諸侯之遺法也。天地判而人民生，群分族萃，此一聚落，彼一聚落，推其雄傑者為君長，各生所急，以備燥濕，各因所處，以禦寒暑，去其所害，就其所利，所居之地，自相葆就，小則一方一隅，大則千里百里，強弱眾寡不一，興滅存亡無常，神聖出為天子，其君長從而聽命，寥廓之地，天子又立諸侯鎮撫，與之並列，封建之大畧如此。古帝王日月所照，莫不砥屬，禹貢五服，周禮九服，雲南固在其中，故武王牧野之誓，有庸蜀、羌、髳、微、盧、彭、濮諸人。周室衰微，政令不能及遠，西南君長始與中邦離隔。秦頗置吏，不久而亡。漢初之制，封建郡縣並行，武帝通西南夷，立郡縣，與其君長共治。史記西南夷傳所列巴、蜀、西南外蠻夷，君長各以什數，地方數千里，蓋皆各君其境，各子其民者也。諸

萬武侯南征，既平諸蠻，卽其渠帥用之，使治其民，此土官之濫觴矣。自
 晉迄宋，或羈縻之，或棄絕之。元立行省，設官蒙古，漢人土人錯雜。明太
 祖洪武十四年，大兵至雲南，元之梁王走死，其所置土人之官次第來
 歸。於是版籍其地，定府、衛、州、縣之制，設官治之。由京選授者曰流官，謂
 其遷轉如流也。仍用蠻苗襲職者曰土官，謂其附著於土也。綜理政事
 之官，其治所曰承宣布政司、提刑按察司、都衛指揮司，而土官亦立宣
 慰、宣撫、安撫、長官諸司。其府、州、縣之土官，與府、州、縣之流官職掌皆同。
 凡司府、州、縣土官，並予世襲，有長有屬，自食其土，不給以祿。歲各量出
 差發銀，多寡有額。明人所撰土官底簿，共載正德以前雲南土司百五
 十一家。

國朝毛奇齡蠻司合誌所述綦詳，已錄入備徵。明史土司傳，府、州、縣土
 官並列其中，序謂大理、臨安以下，元江、永昌以上，皆府治也。孟良、孟定
 等處則為司，新化、北勝等處則為州，或設流官，或仍土職。今以諸府、州
 概列之土司者，從其始也。史撫其大綱，而支派本末則具於底簿。明自

中葉後，撫綏失宜，威柄日弛，諸土司叛服靡恒。我國家德綏威懷，仁漸義摩，土官雖沿舊制，而逆命者必誅，舊籍所載大半皆已改土歸流，其存者亦無不革心順化，與流官相輔。今悉志之，仍依明史之例，係之府州，相傳弗墜者列於前，曰世官；昔有今無者次於後，曰廢官；而貢道、蠻夷種人亦以類附。夫封建肇於上古，夏禹塗山之會，執玉帛者萬國，周初千八百國，入春秋者僅一百二十四國。前後相較，多寡懸殊，蓋德之所被，有遠有近，抑亦歷世既久，吞噬芟夷所致。觀於逸周書、史記解所云某氏以某事亡之類，大抵有道者常存，無道者漸滅，理固然也。西南諸夷皆編髮，隨畜遷徙，毋常處，毋君長，其有君長者各自以為一州王，不知中國廣大，自漢至元，郡縣官吏經制疎闊，華夷間廁。段氏當宋時，自王於滇，宋人幾不知有大理國，其通使也必待重譯，殆其言語服食頗異於中國矣。元亡而明興，剡崖谷林箐而城郭之，易椎髻鑠耳而冠裳之，廣設學校，慎選儒官，地雖漢夷雜處，一皆範以聖王之道，擇其人之秀才者補諸生，土司子弟爭以入黌序為榮，而麗江木氏、姚州高氏

尤樂與流寓之文士交遊，所作詩詞，頗傳於世。當是時，思皇濟濟，譽髦
莪莪，古昔榛狉之區，居然文明之域。洎乎末造，中原多故，土酋吾必奎，
沙定洲等相繼而反，未幾流寇入滇，蹂躪屠戮，迫脅諸土司，其亂甚於
晉之永嘉，師儒淪喪，禮義消亡，蠻夷獷悍，猛鷙之風復熾。其致此也，雖
由於人事之失，然无平不陂，无往不復，無乃闕乎天運哉！暨我聖祖仁
皇帝削平僭逆，偃武修文，民物攸歸，山川重奠，儒林茂聖道昌，土官土
人戴堯天，宅禹甸，莫不傾慕文章禮樂，衣冠蹲俎，而倣效之，百數十年
間，涵育薰陶，土司子弟膺貢舉，成進士者接踵而起，且有好學之士，通
經術，擅著作，與海內儒流頡頏，豈非聖天子作興鼓舞之效哉！且夫儒
者誦法周孔，其道本於堯舜，文武薄海內外，罔不遵循，特地有遐邇風
氣以漸而開，漢史謂齊魯之文學出於天性，其時東南諸郡以蠻見擯，
教澤未廣故耳。滇在漢代，張叔威覽尹珍輩嘗學於中國，歸教鄉里，然
習俗侏離，一傳衆咻，旋為諸蠻酋所據，歷千餘年而後，丕變維新，豈精
華蘊蓄，有所待而發歟？土司之廢革誅鋤，由於驕盈克暴，率其犬羊之

性狡焉思逞，而傳世不絕之家，類皆秉禮教，守法度，其存其滅，亦如古之諸侯，故著其事迹，以備法戒焉。

土司一

世官

漢諸葛武侯用諸蠻渠帥為官，於是相沿有土官之制，其中有漢人而落於蠻者，日久亦化為蠻。夜郎、靡莫、邛笮、牁榆、雋、昆明之地，其官多土著，而名皆不傳。自晉至隋，蠻氏最盛，然不必以次相承，他族亦然。迨有明踵元故事，大為恢拓，以勞績之多寡，分尊卑之等差，襲替必奉朝命，雖在萬里外，皆赴闕受職。府、州、縣等官隸驗封、宣慰、宣撫等官隸武選，隸驗封者，布政司領之；隸武選者，都指揮司領之。於是文武相維，比於中土。國朝定制，載於大清會典，吏部所屬土官，則府、廳、州、縣轄之，以治其土民。永昌府、景東廳、蒙化廳、永北廳各轄土知府一人，廣南府轄土同知一人，麗江府、鶴慶州各轄土通判一人，景東廳轄土知事一人，永昌府、廣南府、永北廳各轄土知州一人，永北廳轄土州同二人，鎮南州

轄土州同一人，土州判一人，新興州轄土州判一人，永北廳、平彝縣、雲
 南縣、楚雄縣、新平縣各轄土縣丞一人，雲南縣轄土主簿一人，浪穹縣
 轄土典史一人，臨安府、雲龍州、趙州、鎮南州、鶴慶州、羅次縣各轄土巡
 檢一人，順寧府轄土巡檢二人，景東廳轄土巡檢三人，浪穹縣轄土巡
 檢四人，景東廳轄土驛丞一人，其餘正六品土官二人，從六品土官一
 人，正八品土官一人，正九品土官一人，從九品土官五人，未入流土官
 二人，凡五十一人，皆文職也。兵部所屬土弁總督統馬土守備，麗江府
 屬一人，中甸廳一人，土千總，雲龍州屬二人，騰越廳屬五人，中甸廳屬
 十六人，維西廳屬五人，土把總，雲龍州屬一人，騰越廳屬五人，中甸廳
 屬十六人，維西廳屬五人，元江州屬改授六品武土官三人，七品武土
 官二人，凡六十二人，土司統以總督、巡撫、宣慰使、普洱府屬一人，永昌
 府屬一人，騰越廳屬一人，宣撫使，順寧府屬一人，騰越廳屬三人，安撫
 使，龍陵廳屬一人，騰越廳屬一人，千戶，會澤縣屬一人，長官司，長官，臨
 安府屬二人，順寧府屬三人，大理府屬一人，龍陵廳屬一人，騰越廳屬

二人，凡十八人，皆武職也。吏部會典事例，順治初年，定土知府、同知、通判、知州、州同、州判、吏目、知縣、縣丞、主簿、典史、經歷、知事、巡檢、驛丞等文職承襲，由部給牒書，其職銜世系及承襲年月於上，名曰號紙，其應襲職者，由督撫察實，先使視事，令司府州縣隣封土司具結，及本族宗圖原領號紙咨部，具題請襲。又定，凡承襲之土官，適庶不得越序，無子許弟承襲，族無可襲者，或妻為夷，眾信服者，亦許承襲。子或年幼，由督撫題明註冊，選本族土舍護理，俟其年至十五歲時承襲。土官年老有疾，請以子代者，聽兵部會典事例。康熙十一年題准，土官襲職，停其親身赴京，取具地方官保結，並宗圖呈報，該督撫保送到部，准其承襲。十九年題准，土官病故，其子病廢不能承襲者，准與孫襲。乾隆七年議准，土官承襲舊例，由本省都司驗明起文，今各省掌印都司業經裁汰，俟後土官承襲，由布政使司詳報督撫，於半年內具題請襲，由部覈對無異，題明准襲後，將替襲職銜繕入號紙給發，如有事故稽遲，不能請襲者，於半年限內，咨部存案，日久亦准承襲。

雲南府

土人為官，謂之土官。世世相傳，謂之世襲。亦曰：世守。雲南自蒙段竊據僻陋，在夷執事之官，皆其部內之土人。元定其地，始由選授而來。然土官亦參其間。明改元之中慶路為雲南府，置都指揮使司，流官、土官並用。於是有流土之分。洪武十五年，傳友德、藍玉、沐英等分兵攻諸寨，未服者，土官楊苴乘隙作亂，集蠻眾二十餘萬攻雲南城。時城中食少，士卒多病，都督謝熊、馮誠等櫻城固守，賊不能攻，遂遠營為久困計。時沐英方駐師烏撒，聞之，將驍騎還救。至曲靖，遣卒潛入報城中，為賊所得，給之曰：「總兵官領三十萬眾至矣。」賊眾驚愕，拔營宵遁，走安寧、羅次、邵甸、富民、晉寧、大理、江川等處。復據險樹柵，謀再寇。英分調將士勦降之，斬首六萬餘級，生擒四千餘人。諸部悉定。英留鎮雲南，恩威著於蠻徼。每下片楮，諸番部具威儀出郭叩迎，盟而後啟，曰：「此令旨也。」英卒，子春襲封西平侯，仍鎮雲南。春無子，弟晟嗣。後遂世守其土，皆能以功名顯。每大征伐，輒以征南將軍印授之。沐氏未嘗不在行間，諸土官皆服。

從之。考之志乘，雲南府屬之土官差少，蓋附楊苴之亂者，皆以誅滅，且都會所在，設官必由選授，不復參以土人，惟投誠而有功，乃存之耳。羅次縣煉象關從九品土官李東祚，其先李堵，本縣昆石鄉人，元時為防送千戶，明洪武中率眾從征，歿於陣，錄其子阿白為巡檢，傳十一世至文秀，國朝平滇，文秀投誠，仍授世職，卒，子廉潔襲，廉潔卒，叔父昆秀襲，昆秀卒，子廷傑襲，廷傑卒，子清臣襲，傳至東祚，乾隆四十六年襲，五十年改為從九品土官，卒，子作棟襲。

祿豐縣南平關從九品土官李世美，其先李喜怒，元時以土人為官，明洪武十六年，喜怒子矣招諭夷民復業有功，授巡檢，六傳至印，萬曆三十五年，從征武定，叛酋鳳阿克歿於陣，無子，以矣次子羅綺之六世孫惟賢襲其職，卒，子楚南襲，國朝平滇，楚南投誠，仍授世職，卒，無子，以印從弟惟白襲，惟白卒，子文南襲，文南卒，子天渥襲，天渥卒，文南弟秀南襲，秀南卒，孫毓俊襲，傳至東來，乾隆五十年改為從九品土官，卒，傳至世美，道光七年襲。

大理府

蒙鄭趙楊段五氏皆據大理為都。元滅段氏，命其後裔世為總管。傳十一代，亦土官之類也。事具備徵志。其外縣丞、主簿、典史、巡檢、長官，置自明初，而存於今者，復有十一家。若雲南縣之楊氏，為楊千貞之裔。張氏，為張樂進求之裔。無乃遙遙華胄乎。

趙州定西嶺土巡檢李泰源，其先李清字。元末為彌只防守千戶。明洪武十七年歸附，授巡檢。傳至齊月，無子。卒，弟齊斗襲。國朝平滇，齊斗歸附，仍授世職。卒，子以失明不襲。孫天成襲。天成卒，子紹廷襲。紹廷卒，子國正襲。傳至仙昇。道光四年卒。六年，子泰源襲。

雲南縣土縣丞楊天錫，楊千貞之裔也。故隸人種。元時，楊奴為縣土官。明洪武十六年，以縣降，授土官縣丞。傳至宗。正統三年，從征麓川有功。陞知縣。嘉靖七年，武定土酋鳳朝文叛，宗裔孫訓從官軍征之，戰歿。詔立祠表其忠。初，楊氏官縣丞時，有土兵一千五百人。麓川蠻莫木邦尋甸、武定諸役，咸効力行間。傳至如欖。萬曆十四年，從征麓川，奪獲象馬。

三十五年武定酋鳳阿克尋甸夷目楊禮等相繼叛。楊氏從征其部所向克捷。大畧皆徒跣裹氊無部伍其長技以勁弩毒矢為諸夷所憚。居平與洱海衛軍雜耕相安如積卒從祀鄉賢祠。子淇襲淇卒子玉蘊襲國朝平滇王蘊子岳投誠仍授世職。康熙六年雲南縣改設流官知縣其土知縣仍照祖職世襲縣丞岳傳子肇基肇基卒子國泰襲國泰卒弟國臣襲乾隆四十六年傳至天錫襲。

雲南縣土主簿張聚奎其先有張興者唐張樂進求之裔元時為品甸千戶品甸者明時置洱海衛之地即雲南縣也。洪武十七年明兵下楚雄興首倡效順為指揮脫列伯鄉導招諭甸民歸附獻甲馬又攻石砦有功授主簿時雲南縣未設流官楊氏張氏分土而治興遞傳至綱綱傳子福曜福星皆無嗣國朝平滇綱弟維投誠仍授世職未幾卒以子祖蔭襲祖蔭卒子祚宏襲祚宏年老告休子文裕襲文裕卒弟慶裕襲慶裕卒子詔襲詔年老告休嘉慶二年詔孫聚奎襲。鄧川州青索鼻應襲從九品土官楊承宗其先楊良波湖邑里人元時